



ANNALES ECCLESIASTICI.

JESU CHRISTI
ANNUS
762.

PAULI PAP.
ANNUS
6.

CONSTANT. COPRON. IMP.
ANNUS
22.

I.
Constant. persequitur Monachos.



EVITVR ordine temporis septingentesimus sexagesimus secundus Christi annus, Indictione decimaquinta notatus, quo Imper. Constantinus immenso odio flagrans in monachos, quos præ cæteris sibi in promulganda hæresi adversarios sæpe expertus fuit, maxime vero anno superiori, cum adversum Andream Cretensem monachum fuisset sibi certandum: cum audisset in Auxentiano monte, in Bithynia posito, degere magni nominis Stephanum monachum gratia miraculorum illustrem, potentemque sermone ad cohortandum alios, ut adversus debacchantem hæresim forti consisterent animo, ad eumque habere confugium plurimos, in hunc ipsum movere bellum, necessarium sibi duxit, ut *Ann. Eccl. Tom. XIII.*

perficere posset, quod conabatur (si liceret) hæresim stabilire. Sed quem scit maxime martyrii cupidum, haud armis expugnandum tentat sed verbis. Ad hocque virum eloquentem mittit, qui viro suadeat subscribere decretis pseudoconcilii Oecumenici nominati. Id quidem factum est hoc anno, antequam bellum Bulgaricum pararetur, quod anno sequenti esse confectum, ex auctore, qui res gestas ejusdem Stephani est profequutus, qui & hoc vivebat tempore, & iis omnibus potuit interesse, certum exploratumque habetur, ut sequenti anno ostensuri sumus. Modo autem primi hujus certaminis Stephani ex eodem auctore totidem verbis hic describamus historiam, quæ sic se habet (a):

Imperator hujusce Stephani virtutem audiens, secumque istud pendens, quod
A *si hunc*

(a) Apud Jo. Dam. in su. II.

PAGIUS ANNO PERIODI GRÆCO-ROMANÆ 6255.
SÆC. VIII.
Anno Eræ Hæsp. DCCC.
Anno Hægira CXLV.
inchoato die 31. Mart. fer. 5.
A.C. 762.
I.

© 15. C. 3. P. 18. April. Indict. 15.
JESU CHRISTI 762.
PAULI PAPÆ 6.
CONSTANTINI COPRONYMI 43. & 22.
LEONIS IV. 12.

AD num. I. & seqq. Baronius narrat persecutionem a Constantino Imp. adversus Monachos Sacrarum Imaginum Defensores excitatam, ex Metaphraste in Vita Sancti Ste-

phani Junioris, quam in fonte legere poteris Constantini in Vita Sancti Stephani Auctore Stephano Diacono Ecclesiæ Constantinopolitanæ, Interprete persequi Jacobo Loppino Monacho Benedictino Tom. I. *sur Monachos*.
Analect. Græc. pag. 456. & seqq. Hanc persecutionem ad præsentem annum pertinere recte deducit Baronius ex bello Bulgarico vernæ, tempestate sequentis Christi anni inchoato, cujus in laudata mox Vita pag. 460. his verbis mentio est: *Illi milites oratione a Sancto postulata, se in Imperatoriam Urbem receperunt, indeque cum Imperatore in Europam adversus Scythas profecti sunt.*

Hoc anno Indictione XV. Paulus Papa Monasterium Sancti Sylvestri in monte Soracte cum tribus aliis vicinis Pippino Francorum Regi donavit, ut liquet ex Epistola XII. Codicis Carolini ab eo ad Pippinum scripta, in qua

II.